



**SLUŽBENI GLASNIK**  
OPĆINE JABLANICA

broj 7/2016





## S A D R Ź A J

Red. br.	N A Z I V A K T A	Strana
1.	Odluka o izmjenama Odluke o legalizaciji građevina	5
2.	Odluka o izmjenama i dopunama Odluke o osnivanju Javnog preduzeća “ Sportski centar Jablanica” d.oo Jablanica	5
3.	Odluka o pokretanju aktivnosti za prelazak na trezorski način poslovanja	6
4.	Odluka o uspostavi Registra budžetskih korisnika	7
5.	Odluka o izmjenama i dopunama Odluke o zadržavanju osnivačkih i vlasničkih prava nad Javnom ustanovom Dječije obdanište „ Pčelica „ Jablanica	8
6.	Odluka o izmjenama i dopunama Odluke o utvrđivanju novčane naknade za osobe na hemodijalizi	10
7.	Odluka o izmjenama i dopunama Odluke o utvrđivanju novčane naknade za prevoz djece koja boluje od autizma	10
8.	Odluka o utvrđivanju javnog interesa za izmještanje/kabliranje dionice voda DV 10 (20) Kv Most Ostrožac – Žuglići investitora JP „ Elektroprivreda BiH“ dd Sarajevo, Podružnica „ Elektrodistribucija“ Mostar	11
9.	Zaključak o usvajanju Izvještaja JU OŠ “Suljo Čilić” Jablanica, o učenju i vladanju učenika u školskoj 2015/2016	12
10.	Zaključak o usvajanju Izvještaja JU Srednja škole Jablanica, o učenju i vladanju učenika u školskoj 2015/2016.	13
11.	Zaključak o usvajanju JU Dječijeg obdaništa “PČELICA” Jablanica u pedagoškoj 2015/2016.	13
12.	Zaključak o ispravci greške	14
13.	Zaključak o odlaganju izjašnjavanja po Incijativi OO SBB Jablanica	15
14.	Odluka o imenovanju vršioca dužnosti direktora Javnog preduzeća „Sportski centar Jablanica“ d.o.o. Jablanica	15
15.	Rješenje o imenovanju člana Upravnog odbora JU Dječije obdanište «Pčelica» Jablanica	16
16.	Odluka o obavljanju funkcije Općinskog javnog pravobranioca	17





Na osnovu člana 45. Zakona o građenju ( "Službene novine Hercegovačko – neretvanskog kantona broj : 4/13) i člana 18. Statuta općine Jablanica ( " Službeni glasnik općine Jablanica" broj : 2/09) Općinsko vijeće Jablanica na XLVI sjednici održanoj dana 31.10.2016. godine, donijelo je

**O D L U K U**  
**o izmjenama Odluke o legalizaciji građevina**

Član 1.

U Odluci o legalizaciji građevina ( „Službeni glasnik Općine Jablanica“ br. 4/13 ) u članu 7. stav 2. brišu se riječi: „do 31.decembra 2013. godine“, a umjesto toga dodaju se riječi: „ do 28. aprila 2017. godine“.

Član 2.

Ova Odluka stupa na snagu osmog dana od dana objavljivanja u " Službenom glasniku Općine Jablanica"

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-1/16-XLVI  
Jablanica, 31.10.2016. godine

PREDSJEDAJUĆI OV-a  
Damir Šabanović s.r.

\*\*\*

Na osnovu člana 13. Zakona o principima lokalne samouprave ( "Službene novine F BiH", broj : 49/06), člana 2. stav 2. i člana 3. Zakona o javnim preduzećima („Službene novine Federacije BiH“ broj: 8/05, 81/08, 22/09 i 109/12) , odredbi Zakona o privrednim društvima („Službene novine Federacije BiH“, broj: 81/15), Odluke o standardnoj klasifikaciji djelatnosti BiH („Službeni glasnik BiH“, broj : 47/10) i člana 18. Statuta općine Jablanica („Službeni glasnik općine Jablanica“ broj: 2/09), Općinsko vijeće Jablanica na XLVI sjednici održanoj dana 31.10.2016.godine, d o n i j e l o j e

**O D L U K U**  
**o izmjenama i dopunama Odluke o osnivanju Javnog preduzeća „Sportski centar Jablanica“ d.o.o Jablanica**

Član 1.

Ovom Odlukom se vrše izmjene i dopune Odluke o osnivanju Javnog preduzeća „Sportski centar Jablanica“ d.o.o Jablanica („Službeni glasnik Općine Jablanica“, broj : 6/16).

Član 2.

U članu 4. stav 2. briše se alineja h). Dosadašnja alineja i) postaje alineja h) i tako dalje redom.

Član 3.

Član 10. mijenja se i glasi :

„Skupštinu preduzeća čini Općinsko vijeće Općine Jablanica, koje u vršenju ovlaštenja Skupštine imenuje Radnu grupu koja se sastoji od predsjednika i četiri člana. Imenovanje predsjednika i članova ove Radne grupe, koja vrši ovlaštenja Skupštine, vrši Općinsko vijeće i to, predsjednika i jednog člana na prijedlog Općinskog načelnika i tri člana na prijedlog Komisije Općinskog vijeća nadležne za izbor i imenovanja.

Rad Radne grupe koja vrši ovlaštenja Skupštine preduzeća reguliše se Poslovníkom koji su dužni usvojiti u roku od 15 dana od dana imenovanja.

Imenovanje predsjednika i članova Radne grupe koja vrši ovlaštenja Skupštine preduzeća vrši se na period od 4 godine sa mogućnošću ponovnog izbora.

Predsjednik i članovi Radne grupe koja vrši ovlaštenja Skupštine preduzeća imaju pravo na nadoknadu za svoj rad koja se utvrđuje Odlukom o imenovanju.



Radna grupa koja vrši ovlaštenja Skupštine preduzeća podnosi Općinskom vijeću Jablanica izvještaje o radu i poslovanju preduzeća najmanje jednom godišnje.

Radna grupa koja vrši ovlaštenja Skupštine preduzeća kod donošenja Statuta preduzeća i njegovih izmjena i dopuna, odluka o povećanju i smanjenju osnovnog kapitala, odluka o pokriću gubitaka, odluka o osnivanju novih društava, kao i odluka o promjeni oblika i podjeli preduzeća, obavezna je pribaviti saglasnost Općinskog vijeća.

Općinsko vijeće daje saglasnost na cjenovnik usluga JP „Sportski centar Jablanica“ d.o.o. Jablanica.“

#### Član 4.

U članu 11. stav 1.tačka a) riječi „Skupština preduzeća“ zamjenjuju se riječima „Radna grupa koja vrši ovlaštenja Skupštine preduzeća“.

U članu 11. stav 1.tačka b) riječ „Skupštini“ zamjenjuje se riječima „Radnoj grupi koja vrši ovlaštenja Skupštine preduzeća“.

#### Član 5.

U članu 14. stav 1. riječ „Skupštini“ zamjenjuje se riječima „Radnoj grupi koja vrši ovlaštenja Skupštine preduzeća“.

U članu 14. stav 2. tačka a) riječ „Skupštini“ zamjenjuje se riječima „Radnoj grupi koja vrši ovlaštenja Skupštine preduzeća“.

#### Član 6.

Ova Odluka stupa na snagu danom objavljivanja u „Službenom glasniku općine Jablanica“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj : 02-02-2867-2/16-XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović, dipl.ecc. s.r.

\*\*\*

Na osnovu člana 2. Zakona o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15 i 102/15), člana 27. Zakona o trezoru u Federaciji Bosne i Hercegovine („Službene novine FBiH“, broj: 26/16) i člana 18. Statuta Općine Jablanica („Službeni glasnik Općine Jablanica“, broj: 2/09) Općinsko vijeće općine Jablanica na XLVI sjednici održanoj dana 31.10.2016.godine  
d o n o s i

### ODLUKU

#### **o pokretanju aktivnosti za prelazak na trezorski način poslovanja**

#### Član 1.

Ovom Odlukom obavezuje se Općinski načelnik za pokretanje aktivnosti za uvođenje trezorskog poslovanja u organu uprave – Općini Jablanica.

#### Član 2.

Aktivnosti iz člana 1. ove Odluke uključuju: izradu pripremnih akata, definisanje instrukcija, uspostava pravilnika za prelazak na trezorski način poslovanja i drugih akata u skladu sa pozitivnim zakonskim i podzakonskim propisima.

#### Član 3.

Ova Odluka stupa na snagu danom objave u “Službenom glasniku Općine Jablanica”.



Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-3/16-XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović, dipl.ecc. s.r.

\*\*\*

Na osnovu člana 28. Zakona o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15 i 102/15), člana 2. Zakona o trezoru u Federaciji Bosne i Hercegovine („Službene novine FBiH“, broj: 26/16), Pravilnika o utvrđivanju i načinu vođenja registra budžetskih korisnika („Službene novine FBiH“, broj: 30/14) i člana 18. Statuta Općine Jablanica („Službeni glasnik Općine Jablanica“, broj: 2/09) Općinsko vijeće općine Jablanica na XLVI sjednici održanoj dana 31.10.2016. godine  
d o n o s i

### **ODLUKU o uspostavi Registra budžetskih korisnika Općine Jablanica**

#### **Član 1.**

Ovom Odlukom utvrđuje se način uspostave Registra budžetskih korisnika, kriterij za definisanje budžetskih korisnika, način upisa u Registar budžetskih korisnika, način brisanja iz Registra budžetskih korisnika, obavezni elementi Registra, obaveze i odgovornosti za vođenje Registra budžetskih korisnika.

#### **Član 2.**

Registar budžetskih korisnika uspostavlja se u Službi za lokalni ekonomski razvoj i investicije, finansije i trezor koja je obavezna da isti sačini, vodi i ažurira.

Nadležna služba odgovorna je za uspostavu Registra, kao i ispravnost, ažurnost i tačnost svih podataka unesenih u Registar.

#### **Član 3.**

Osnovni kriterij za definisanje budžetskih korisnika je Odluka o organizaciji i djelokrugu rada općinskih organa uprave općine Jablanica („Službeni glasnik Općine Jablanica“, broj: 2/14) i kriterijumi sadržani u članu 4. Pravilnika o utvrđivanju i načinu vođenja registra budžetskih korisnika budžeta u FBiH („Službene novine FBiH“, broj: 30/14).

#### **Član 4.**

Općinski organi koji eventualno nisu obuhvaćeni članom 3. Ove Odluke, ne mogu se definisati kao budžetski korisnici dok ne budu navedeni u istoj.

#### **Član 5.**

Budžetski korisnici pojmovno mogu biti Jedinstveni organ uprave Općine Jablanica, javne ustanove, agencije, zavodi, direkcije itd.

#### **Član 6.**

Budžetski korisnici su organi čijim sredstvima raspolaže rukovoditelj organa.

#### **Član 7.**

Budžetski korisnici ne mogu biti pojmovno udruženja, nevladine neprofitne organizacije, političke partije i stranke.

**Član 8.**

Služba za lokalni ekonomski razvoj i investicije, finansije i trezor vrši upis u Registar budžetskih korisnika sve organe općine iz Odluke o organizaciji po automatizmu, dok kandidate za budžetskog korisnika koji nisu obuhvaćeni Odlukom ne upisuje dok ne postanu sastavnim dijelom Odluke o organizaciji.

**Član 9.**

Registar budžetskih korisnika sadrži podatke navedene u obrascu RBK, propisane Pravilnikom o utvrđivanju i načinu vođenja registra budžetskih korisnika budžeta u FBiH.

**Član 10.**

Brisanje iz Registra, upis novih budžetskih korisnika, kao i sve druge promjene vrše se na osnovu donesenih odluka nadležnih općinskih tijela.

**Član 11.**

Rok za uspostavu Registra budžetskih korisnika je 30 dana od dana stupanja na snagu ove Odluke.

**Član 12.**

U periodu od 30 dana neophodno je riješiti sve eventualne nejasnoće oko definisanja budžetskih korisnika.

**Član 13.**

Općinski načelnik je dužan informisati Općinsko vijeće o svim relevantnim činjenicama koje su u vezi sa uspostavom Registra budžetskih korisnika.

**Član 14.**

Po uspostavi Registra budžetskih korisnika Općinski načelnik je obavezan redovno izvještavati Općinsko vijeće o svim upisanim i brisanim budžetskim korisnicima.

**Član 15.**

Ova Odluka stupa na snagu narednog dana od dana objavljivanja u Službenom glasniku Općine Jablanica.

**Član 16.**

Danom donošenja ove Odluke prestaje da važi Odluka o uspostavi registra budžetskih korisnika broj: 02-02-2208-4/11-XXVII od 27.10.2011. godine.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-4/16-XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović, dipl.ecc. s.r.

\*\*\*

Na osnovu člana 13. Zakona o principima lokalne samouprave ( "Službene novine F BiH", broj : 49/06), člana 6. Uredbe sa zakonskom snagom o ustanovama ( "Službeni list RBiH", broj : 6/92 i 13/94), člana 8. Zakona o predškolskom odgoju ( "Službene novine HNK", broj : 5/2000) i člana 18. Statuta općine Jablanica ( " Službeni glasnik općine Jablanica", broj : 2/09) Općinsko vijeće Jablanica na XLVI sjednici održanoj dana 31.10.2016. godine, d o n o s i

**ODLUKU**

**o izmjenama i dopunama Odluke o zadržavanju osnivačkih i vlasničkih prava nad  
Javnom ustanovom Dječije obdanište "Pčelica" Jablanica**





#### Član 1.

Ovom Odlukom se vrše izmjene i dopune Odluke o zadržavanju osnivačkih i vlasničkih prava nad Javnom ustanovom Dječije obdanište "Pčelica" Jablanica ("Službeni glasnik općine Jablanica", broj : 2/07) (u daljem tekstu : Odluka), odnosno vrši se usklađivanje iste sa Odlukom o klasifikaciji djelatnosti BiH („Službeni glasnik BiH“, broj : 47/10), Pedagoškim standardom i normativom za predškolski odgoj i obrazovanje u HNK ("Službene novine HNK", broj :9/08) i Kriterijima o finansiranju djelatnosti predškolskog odgoja i obrazovanja na području Hercegovačko-neretvanskog kantona ("Službene novine HNK", broj : 7/09).

#### Član 2.

U članu 6. stav 1. umjesto broja "80.101" treba da stoji broj "85.10".

U članu 6. dodaju se stavovi 2,3,4,5 i 6, koji glase :

"Ustanova obavlja djelatnost predškolskog obrazovanja za djecu uzrasta od 3 godine do polaska u školu na osnovu Godišnjeg plana i programa rada koji donosi za pedagošku godinu koja traje od 1. septembra do 31. avgusta slijedeće godine. Godišnji plan i program dužan je donijeti Upravni odbor dječijeg obdaništa do 30. septembra za tekuću pedagošku godinu.

Godišnji plan i program rada obuhvaća primarni program odgoja i obrazovanja, zdravstvene zaštite djece, prehrane i socijalne zaštite, kao i druge specijalizovane programe koje dječije obdanište ostvaruje u sporazumu sa roditeljima i osnivačem, a što se bliže uređuje Pravilima Ustanove.

Programi iz stava 3. ovog člana realizuju se u Ustanovi i usklađeni su sa radnim vremenom roditelja i potrebama socijalne sigurnosti djece i to :

- cjelokupni razvojni 10-satni program
- cjelokupni razvojni 3-4-5-satni poludnevni programi
- razvojni program za djecu pred polazak u školu u trajanju utvrđenom Zakonom o predškolskom odgoju u HNK
- i specijalizovani razvojni programi i ostali oblici organizovanog rada s djecom predškolskog uzrasta.

Odgojno-obrazovne aktivnosti Ustanove izvode se u u odgojnim grupama koje se formiraju nakon upisa djece na početku svake pedagoške godine i to po određenom broju djece zavisno od dobi djeteta, vrsti i trajanju programa, te sposobnostima, potrebama i interesima djece i roditelja i to:

- odgojna grupa uzrasta u četvrtoj godini
- odgojna grupa uzrasta u petoj godini
- mješovita odgojna grupa uzrasta od 3 godine do polaska u školu
- odgojna grupa djece pred polazak u školu.

Broj djece u grupama može se odrediti, zavisno od broja upisane djece, do maksimalnog broja djece u odgojnoj grupi kako je definisano Pedagoškim standardom i normativom za predškolski odgoj i obrazovanje u HNK.

Izuzetno, zavisno o uslovima rada (ponajprije zavisno o prostornim uslovima), potrebama djece i roditelja, Ustanova može uz saglasnost osnivača, u grupama imati i veći broj upisane djece od maksimalnog broja djece u odgojnoj grupi utvrđenog Pedagoškim standardom i normativom za predškolski odgoj i obrazovanje za 10 %.

#### Član 3.

U članu 7. dodaju se stavovi 2. i 3. koji glase :

"Sredstvima iz stava 1. ovog člana vrši se finansiranje rada Ustanove u skladu sa Kriterijima o finansiranju djelatnosti predškolskog odgoja i obrazovanja na području Hercegovačko-neretvanskog kantona.

Broj zaposlenika po strukturama i vrstama poslova utvrđuje se zavisno od broja odgojnih grupa, trajanju i vrsti programa, te konkretnim uslovima rada, a na osnovu godišnjeg programa rada Ustanove izrađenog na osnovu jedinstvene metodologije koju donosi Ministarstvo obrazovanja, nauke, kulture i sporta HNK, a u skladu sa Pedagoškim standardima i općim aktima Ustanove. "

#### Član 4.

Ova Odluka stupa na snagu osmog dana od dana objavljivanja u " Službenom glasniku općine Jablanica".



Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj : 02-02-2867-5/16-XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović, dipl.ecc. s.r.

\*\*\*

Na osnovu člana 18. Statuta Općine Jablanica (Službeni glasnik općine Jablanica broj : 2/09), u skladu sa članom 1. Odluke o izmjenama i dopunama Budžeta- Proračuna općine Jablanica za 2016. godinu broj:02-02-2420-2/16-XLV od 31.08.2016. godine (Službeni glasnik općine Jablanica broj:6/16) na prijedlog Službe za opću upravu, društvene djelatnosti, boračko-invalidsku zaštitu, socijalna pitanja i zajedničke poslove Općinsko vijeće Jablanica na XLVI sjednici održanoj dana 31.10.2016. godine, d o n o s i

### **ODLUKU**

#### **o izmjenama Odluke o utvrđivanju novčane naknade za osobe na hemodijalizi**

##### **Član 1.**

Član 1. Odluke se mijenja i glasi: „Za ukupno 8 lica sa prijavljenim mjestom prebivališta na području općine Jablanica, koja su se zaključno sa 31.12.2015. godine i 31.08.2016. godine nalazila na medicinskom tretmanu hemodijalize, radi poboljšanja socijalnog statusa i uslova života, a prvenstveno pomoći u nabavci medikamenata i ortopedskih pomagala određuje se mjesečna naknada (pomoć) u iznosu od po 119,00 KM (stotinudevetnaest konvertibilnih maraka) za period januar-septembar 2016. godine, a za period oktobar-decembar 2016.godine u iznosu od 184,00 KM (stotinuosamdesetčetiri konvertibilne marke ).Ukoliko se u periodu od 31.08.2016.godine do 31.12.2016.godine pojavi veći broj lica od navedenog u stavu 1. ovog člana isti će se finansirati preraspodjelom preostalog iznosa novčanih sredstava u jednakim mjesečnim naknadama za sve korisnike.

##### **Član 2.**

Ova Odluka stupa na snagu nakon objavljivanja u „Službenom glasniku općine Jablanica“, a primjenjivat će se u budžetskoj 2016. godini.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-6/16-XLVI  
Jablanica,31.10.2016.godine

PREDSJEDAVAJUĆI OV-a  
Šabanović Damir, dipl. ecc. s.r.

\*\*\*

Na osnovu člana 18. Statuta Općine Jablanica (Službeni glasnik općine Jablanica broj : 2/09), u skladu sa članom 1. Odluke o izmjenama i dopunama Budžeta- Proračuna općine Jablanica za 2016. godinu broj:02-02-2420-2/16-XLV od 31.08.2016. godine (Službeni glasnik općine Jablanica broj:6/16) na prijedlog Službe za opću upravu, društvene djelatnosti, boračko-invalidsku zaštitu, socijalna pitanja i zajedničke poslove Općinsko vijeće Jablanica na XLVI sjednici održanoj dana 31.10.2016. godine, d o n o s i

### **ODLUKU**

#### **o izmjenama i dopunama Odluke utvrđivanju novčane naknade za prevoz djece koja boluju od autizma**



## Član 1.

Član 1. Odluke se mijenja i glasi : Za ukupno 6 porodica sa prijavljenim mjestom prebivališa na području općine Jablanica, kod čije je djece zaključno sa 31.12.2015. godine i 31.08.2016.godine dijagnosticiran autizam, radi poboljšanja socijalnog statusa i uslova života, a prvenstveno pomoći u prevozu za školovanje i liječenje, nabavci medikamenata i sl. određuje se mjesečna naknada (pomoć) u iznosu od po 83,00 KM ( osamdesettri konvertibilne marke) za period januar-septembar 2016. godine, a za period oktobar- decembar 2016.godine u iznosu od 138,00 KM (stotinutridesetosam konvertibilne marke ). Ukoliko se u periodu od 31.08.2016.godine do 31.12.2016.godine pojavi veći broj lica od navedenog u stavu 1. ovog člana isti će se finansirati preraspodjelom preostalog iznosa novčanih sredstava u jednakim mjesečnim naknadama za sve korisnike.

## Član 2.

Ova Odluka stupa na snagu nakon objavljivanja u „Službenom glasniku općine Jablanica“, a primjenjivat će se u budžetskoj 2016. godini.

Bosna i Hercegovina

Federacija Bosne i Hercegovine

Hercegovačko-neretvanski kanton

OPĆINA JABLANICA

OPĆINSKO VIJEĆE

Broj: 02-02-2867-7/16-XLVI

Jablanica, 31.10.2016.godine

PREDSJEDAVAJUĆI OV-a  
Šabanović Damir, dipl. ecc. s.r

\*\*\*

Na osnovu člana 14. stav 4. Zakona o eksproprijaciji (‘‘Službene novine FBiH’’, broj: 70/07, 36/10, 25/12, 34/16) i člana 18. Statuta Općine Jablanica (‘‘Službeni glasnik Općine Jablanica’’ broj 02/09), Općinsko vijeće na XLVI redovnoj sjednici održanoj dana 31.10.2016. godine, *donijelo je*

**ODLUKU**

## I

UTVRĐUJE SE DA JE OD JAVNOG INTERESA izmještanje/kabliranje dionice voda DV 10(20) kV Most Ostrožac - Žuglići, pa se radi izvođnja radova na izmještanju istog može pristupiti nepotpunoj eksproprijaciji (ustanovljenju služnosti) na dijelu zemljišta označenom kao:

1. k.č. broj: **2120**, zv. «Lukselo», ukupne površine 1465 m<sup>2</sup>, u naravi šuma 6. Klase površine 133 m<sup>2</sup>, voćnjak 4.klase površine 1332 m<sup>2</sup> , upisana u ZK uložak 53 K.O. Mkrakovo, pravo raspolaganja Općina Jablanica sa 1/1 dijela;
2. k.č. broj: **2686**, zv. «Gaj», površine 33229 m<sup>2</sup>, u naravi nekategorisani put, dobro u opštoj upotrebi-putevi, upisana u ZK uložak 54 K.O. Mrakovo, pravo raspolaganja Općina Jablanica sa 1/1 dijela;
3. k.č. broj: **2369/2**, zv. «Četkovicica», površine 1092 m<sup>2</sup>, u naravi groblje, dobro u opštoj upotrebi-groblja, upisana u ZK uložak 56 K.O. Mrakovo, pravo raspolaganja Općina Jablanica sa 1/1 dijela.

## II

Utvrđuje se da je Javno preduzeće «ELEKTROPRIVREDA BIH» d.d. Sarajevo, Podružnica «Elektrodistribucija» Mostar korisnik nepotpune eksproprijacije za izmještanje/kabliranje dionice voda DV 10(20) kV Most Ostrožac - Žuglići, na zemljištu iz tačke I ove odluke.

## III

Protiv ove odluke može se pokrenuti upravni spor podnošenjem tužbe Kantonalnom sudu Mostar u roku od 30 dana od dana dostavljanja ove odluke. Tužba se podnosi neposredno sudu.

## IV

Ovo odluka stupa na snagu danom objavljivanja u Službenom glasniku Općine Jablanica.

*O b r a z l o ž e n j e*

Podneskom br: 05-33-738/16 od 05.09.2016. godine, JP «ELEKTROPRIVREDA BIH» d.d. Sarajevo, Podružnica «Elektrodistribucija» Mostar, obratila se Službi za upravu za geodetske, imovinsko-pravne poslove i katastar nekretnina Općine Jablanica, sa prijedlogom da se na osnovu člana 14. stav 4. Zakona o eksproprijaciji “Službene novine FBiH” broj: 70/07, 36/10, 25/12), donese odluka o utvrđivanju javnog interesa za izmještanje/kabliranje dionice voda DV 10(20) kV Most Ostrožac - Žuglići na zemljištu označenog brojem katastarskih parcela 2120, 2686 i 2369/2 K.O. Mrakovo, te da se u te svrhe može pristupiti nepotpunoj eksproprijaciji navedenog zemljišta.

Uz zahtjev je priloženo:

- fotokopija pravosnažnog Rješenja broj: 04/5-25-1-871/15 od 15.06.2016. godine kojim se daje urbanistička saglasnost za izmještanje/kabliranje dionice voda DV 10(20) kV Most Ostrožac - Žuglići na zemljištu označenom brojem katastarskih parcela 2120, 2686 i 2369/2 K.O. Mrakovo, općina Jablanica;
- zemljišnoknjižne izvratke za parcele 2120, 2686 i 2369/2 K.O. Mrakovo.

U cilju provođenja postupka nepotpune eksproprijacije ustanovljenjem služnosti na zemljištu koje je obuhvaćeno naprijed navedenim postupkom, u skladu sa članom 14. stav 4. Zakona o eksproprijaciji Općinsko vijeće Jablanica riješilo je kao u dispozitivu ove odluke.

Odredba da se protiv ove odluke može pokrenuti upravni spor, temelji se na odredbi člana 16. stav 5. Zakona o eksproprijaciji («Službene novine F BiH», broj:70/07, 36/10, 25/12, 34/16 ).

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-8/16-XLVI  
Jablanica, 31.10.2016.godine

PREDSJEDAVAJUĆI OV-a  
Damir Šabanović s.r.

\*\*\*

Na osnovu člana 18. Statuta općine Jablanica («Službeni glasnik Općine Jablanica» broj:2/09), Općinsko vijeće Općine Jablanica na XLVI sjednici održanoj dana 31.10.2016.godine, donijelo je

**Z A K L J U Č A K****I**

Usvaja se Izvještaj JU OŠ “Suljo Čilić” Jablanica br.01-861/16 od 28.06.2016.godine, o učenju i vladanju učenika u školskoj 2015/2016 .

**II**

Sastavni dio ovog zaključka je Izvještaj iz prethodne tačke, bez Zaključka na kraju Izvještaja.

**III**

Ovaj Zaključak stupa na snagu danom donošenja i objavit će se u “Službenom glasniku Općine Jablanica”.



Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-10/16- XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović s.r.

\*\*\*

Na osnovu člana 18. Statuta općine Jablanica («Službeni glasnik Općine Jablanica» broj:2/09), Općinsko vijeće Općine Jablanica na XLVI sjednici održanoj dana 31.10.2015.godine, donijelo je

### ZAKLJUČAK

#### I

Usvaja se Izvještaj JU Srednje srednje škole Jablanica br. 02-746-1/16 od 19.09.2016.godine o učenju i vladanju učenika u školskoj 2015./2016. godine.

#### II

Sastavni dio ovog zaključka je Izvještaj iz prethodne tačke.

#### III

Ovaj Zaključak stupa na snagu danom donošenja i objavit će se u “Službenom glasniku Općine Jablanica”.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-9/16- XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović s.r.

\*\*\*

Na osnovu člana 18. Statuta općine Jablanica («Službeni glasnik Općine Jablanica» broj:2/09), Općinsko vijeće Općine Jablanica na XLVI sjednici održanoj dana 31.10.2015.godine, donijelo je

### ZAKLJUČAK

#### I

Usvaja se Izvještaj o radu JU Dječije obdanište “PČELICA” Jablanica u pedagoškoj 2015/2016 zaprimljen pod pr. brojem 02-40-1-2522/16 od 05.09.2016.godine.

#### II

Sastavni dio ovog Zaključka je Izvještaj iz prethodne tačke, bez finansijskog poslovanja za period od 01.01.2016. do 30.06.2016.godine.

#### III

Ovaj Zaključak stupa na snagu danom donošenja i objavit će se u “Službenom glasniku Općine Jablanica”.



Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-11/16- XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović s.r.

\*\*\*

Na osnovu člana 217. Zakona o upravnom postupku («Službene novine FBiH, broj:2/98 i 48/99»), člana 18. Statuta općine Jablanica («Službeni glasnik Općine Jablanica» broj:2/09), Općinsko vijeće Jablanica, na XLVI redovnoj sjednici održanoj dana 31.10.2016.godine, donijelo je

### ZAKLJUČAK

1. U tački IV. dispozitiva Rješenja Općinskog vijeća Jablanica broj:02-02-1100-8/10-XV od 29.04.2010. godine ispravlja se greška na način da se riječi «... i nakon uplanjenja objekta,...» brišu.
2. Ovaj zaključak čini sastavni dio rješenja navedenog u tački 1. ovog Zaključka i isti ima pravni učinak od dana od kojeg pravni učinak ima navedeno Rješenje.

### Obrazloženje

Općinsko vijeće Jablanica je na svojoj redovnoj sjednici održanoj dana 29.04.2010.godine donijelo Rješenje broj: 02-02-1100-8/10-XV od 29.04.2010.godine kojim se na građevinskom zemljištu označenom kao k.č.broj: 307/4 K.O.Jablanica, u površini od 50 m<sup>2</sup>, upisana u z.k.uložak broj:215 K.O.Jablanica, i k.č.307/2 K.O.Jablanica,u površini od 42 m<sup>2</sup>, upisana u z.k.uložak broj:13703 K.O.Jablanica utvrđuje pravo vlasništva u korist Zebić (Abasa) Mufida iz Jablanice, općina Jablanica, kao graditelja zgrade izgrađene na tom zemljištu. Uvidom u naprijed navedeno rješenje, a radi poduzimanja daljih aktivnosti na istom, odnosno radi njegovog provođenja u Zemljišnoj knjizi, utvrđeno je postojanje greške u tački IV. dispozitiva u kojoj stoji: „ na zemljištu iz tačke I. ovog rješenja, nakon pravosnažnosti rješenja, regulisanja uplate naknade iz tačke II rješenja, **i nakon uplanjenja objekta na zemljištu, Zemljišnoknjižni ured općinskog suda u Konjicu, izvršit će uknjižbu prava vlasništva u korist Zebić (Abasa) Mufida iz Jablanice, općina Jablanica, uz istovremeno brisanje ranije izvršenih upisa na tom zemljištu**“. Nakon uvida u spis predmeta, utvrđeno je da je pričinjena greška tehničke prirode, tj. da je u tački IV. dispozitiva navedenog rješenja pogrešno upisano **i nakon uplanjenja objekta na zemljištu**. Naime, prema propisima o rješavanju u zemljišnoknjižnim stvarima, najprije se treba uknjižiti pravo na zemljištu, a potom slijedi uplanjenje objekta. U konkretnom slučaju, nakon što se stranka uknjiži sa pravom na zemljištu, prije uplanjenja objekta slijedi postupak spajanja parcela, a koji je moguć jedino ako je upisano isto pravo na parcelama, odnosno nije moguće istovremeno izvršiti upis prava na zemljištu i uplanjenje objekta. Ispravljanje navedene pogreške, prema članu 217. Zakona o upravnom postupku, zaključkom vrši organ koji je donio prvobitno rješenje, u konkretnom slučaju Općinsko vijeće Jablanica, i to u pogledu grešaka u imenima, brojevima, pisanju ili računanju. Kako na osnovu prvobitnog rješenja nije moguće izvršiti uknjižbu i provođenje promjena prije nego se navedena greška ispravi, valjalo je odlučiti kao u dispozitivu ovog zaključka

**POUKA O PRAVNOM LIJEKU:** Protiv ovog Rješenja ne može se izjaviti žalba, ali se može pokrenuti upravni spor podnošenjem tužbe Kantonalnom sudu Mostar, u roku od 30 dana od dana dostavljanja rješenja. Tužba se podnosi neposredno nadležnom sudu, u dva primjerka.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-12/16-XLVI  
Jablanica, 31.10.2016. godine

PREDSJEDAVAJUĆI OV-a  
Damir Šabanović s.r.



\*\*\*

Na osnovu člana 18. Statuta Općine Jablanica ( «Službeni glasnik općine Jablanica» broj: 2/09) i člana 88. stav 2. Poslovnika o radu Općinskog vijeća Jablanica («Službeni glasnik Općine Jablanica» broj: 4/09, 7/10 i 7/15), Općinsko vijeće općine Jablanica, na XLVI sjednici održanoj dana 31.10.2016. godine, d o n i j e l o j e

## ZAKLJUČAK

### I

Odlučivanje o Incijativi OO SBB Jablanica oko mogućnosti otkupa eksponata za potrebe i postavku JU Muzej “ Bitka za ranjenike” iz Jablanice odlaže se do dobijanja odgovora koji je u skladu sa zaključkom sa sastanka izvještavanja po sistemu 48 u Općini Jablanica zatražen od Agencije za javne nabavke BiH i Komisije za očuvanje nacionalnih spomenika BiH.

### II

Ovaj Zaključak stupa na snagu danom donošenja i objavit će se u «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-2867-13 /16 –XLVI  
Jablanica, 31.10.2016. godine

PREDSJEDAVALJUĆI OV –a  
Damir Šabanović s.r.

\*\*\*

Na osnovu člana 41. Statuta općine Jablanica („Službeni glasnik općine Jablanica“ broj: 2/09) i člana 13. stav 4. Odluke o osnivanju Javnog preduzeća „Sportski centar Jablanica“ d.o.o. Jablanica broj : 02-92.2420-4/16-XLV od 31.08.2016. godine, Općinski načelnik d o n o s i

## ODLUKU

### **o imenovanju vršioca dužnosti direktora Javnog preduzeća „Sportski centar Jablanica“ d.o.o. Jablanica**

#### Član 1.

Imenuje se Balić /Derviš/ Aldin, dipl.ecc. iz Jablanice, za vršioca dužnosti direktora Javnog preduzeća „Sportski centar Jablanica“ d.o.o. Jablanica (u daljem tekstu : preduzeće).

#### Član 2.

Imenovani iz člana 1. ove Odluke je ovlašten da podnese prijavu za upis u sudski registar društava kod nadležnog suda, kao i da nakon upisa u sudski tegistar, a do imenovanja direktora preduzeća, zastupa i predstavlja preduzeće i vodi njegovo poslovanje u skladu sa odredbama člana 13. Odluke o osnivanju Javnog preduzeća „Sportski centar Jablanica“ d.o.o. Jablanica („Službeni glasnik Općine Jablanica“, broj :6/16).

#### Član 3.

U postupku osnivanja, imenovani iz člana 1. ove Odluke ovlašten je da zastupa preduzeće u unutrašnjem i vanjskom prometu bez ograničenja do 50.000,00 KM (slovima : pedesethiljada KM), a preko navedenog iznosa uz pismenu saglasnost Nadzornog odbora.

#### Član 4.

Naknade po osnovu plaće i drugih materijalnih prava vršioca dužnosti direktora, utvrdit će se posebnom odlukom.



## Član 5.

Ova Odluka stupa na snagu danom donošenja, a objavit će se u „Službenom glasniku Općine Jablanica“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-05- 2674/16  
Jablanica, 23.09.2016. godine

OPĆINSKI NAČELNIK  
Salem Dedić, dipl.ecc. s.r.

\*\*\*

Na osnovu člana člana 44. Zakona o predškolskom odgoju („Službene novine Hercegovačko-neretvanskog kantona“, broj : 5/2000), shodno odredbama Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 34/03, 12/03, 34/03 i 65/13) i člana 41. Statuta općine Jablanica («Službeni glasnik općine Jablanica», broj: 2/09), na prijedlog Direktora i Vijeća roditelja JU Dječije obdanište „Pčelica“ Jablanica, Općinski načelnik d o n i o j e

**R J E Š E N J E****o imenovanju člana Upravnog odbora JU Dječije obdanište «Pčelica» Jablanica****I**

U Upravni odbor Javne ustanove Dječije obdanište «Pčelica» Jablanica, imenuje se:

1. Alikadić Adela, član - predstavnik roditelja.

**II**

Imenovanje se vrši na period od četiri (4) godine, računajući od dana stupanja na snagu ovog rješenja.

**III**

Upravni odbor iz člana I Rješenja donosi Pravila ustanove; imenuje, razrješava, usmjerava, kontroliše i ocjenjuje direktora; utvrđuje planove rada i razvoja; utvrđuje godišnji program rada; donosi finansijski plan i usvaja godišnji obračun; donosi opće akte, u skladu sa zakonom i pravilima ustanove; odlučuje o svim pitanjima obavljanja djelatnosti rada kojih je ustanova osnovana; rješava sva pitanja odnosa sa osnivačem; odlučuje o korištenju sredstava; odgovara osnivaču za rezultate rada ustanove; odlučuje o zasnivanju i prestanku radnog odnosa sa odgajateljima i stručnim saradnicima i drugo, odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa; podnosi osnivaču najmanje jedanput godišnje izvještaj o poslovanju ustanove; vrši i druge poslove u skladu sa zakonom i Pravilima ustanove.

Nadležnost i način rada Upravnog odbora uređen je Pravilima Ustanove i Poslovníkom o radu Upravnog odbora.

Upravni odbor je dužan postupati u skladu sa zakonom i u okviru datih ovlaštenja.

**IV**

Ovo Rješenje stupa na snagu danom donošenja i objaviće se «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj : 01-05- 2730-1 /16  
Jablanica, 04.10.2016.godine

OPĆINSKI NAČELNIK  
Salem Dedić, dipl. ecc. s.r.





\*\*\*

Na osnovu člana 15. Odluke o osnivanju Općinskog javnog pravobranilaštva („Službeni glasnik Općine Jablanica“, broj: 1/98, 2/00, 3/03, 4/05 i 2/07) i člana 41. Statuta Općine Jablanica («Službeni glasnik Općine Jablanica» broj:2/09) Općinski načelnik d o n o s i

**ODLUKU**  
**o obavljanju funkcije Općinskog javnog pravobranioca**

**I**

Delalić Sead, diplomirani pravnik, koji je stupio na dužnost Općinskog javnog pravobranioca dana 01.11.2012. godine, a na koju je imenovan Odlukom broj : 01-10-1927-3/12 od 31.10.2012. godine, obavljat će istu i nakon isteka perioda od 4 (četiri) godine.

Imenovani će obavljati funkciju iz prethodnog stava od 01.11.2016. godine do okončanja postupka imenovanja Općinskog javnog pravobranioca po raspisanom konkursu, a najduže do 31.12.2016. godine.

**II**

Ova Odluka stupa na snagu danom donošenja i objavit će se u Službenom glasniku Općine Jablanica.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-10- 2906 /16  
Jablanica, 26.10.2016. godine

OPĆINSKI NAČELNIK  
Salem Dedić, dipl.ecc. s.r.





